

# **Visoki predstavnik Inzko sastao se sa turskim ministrom odbrane Ismetom Yilmazom**

Visoki predstavnik, Valentin Inzko, izrazio je zahvalnost Turskoj za njen kontinuiran i neprocjenjivi doprinos EUFOR-u, na sastanku sa turskim ministrom odbrane, Ismetom Yilmazom, danas u Sarajevu. On je rekao da stalno prisustvo trupa EUFOR-a sa mandatom od Ujedinjenih nacija u BiH "predstavlja važnu psihološku podršku za građane BiH."

Konstatirajući da je uslov koji NATO postavlja za puno članstvo BiH u ovoj instituciji isti kao i OHR-ov uslov u vezi sa imovinom odbrambenih struktura, visoki predstavnik je rekao da "aktivno podržava težnje BiH da postane članica NATO-a".

Turski ministar odbrane Yilmaz, ponovivši čvrsto opredjeljenje Turske za očuvanje teritorijalnog integriteta, suvereniteta i političkog jedinstva BiH, još jednom je izrazio podršku Turske za integraciju BiH u evropske i euroatlanske strukture i istakao potrebu za formiranjem vlade na državnom nivou bez daljeg odlaganja. Naglasio je važnost pomirenja između dva entiteta, tri konstitutivna naroda i drugih i izrazio vjeru da će u sljedećih nekoliko sedmica i mjeseci bh. političari i akteri izvan političkih krugova raditi efikasnije u interesu svoje zemlje i građana.